



Kitikmeot Inuit Katuyikatigit Tohaktitiyomayot Huiikutanik uma Angayokangat Robert (Bobby) Greenley



September 8, 2025 – Ikaluktutiak, NU: Ukkua Kitikmeot Inuit Katuyikatigit (KIA-kut) kovianaitkaloaktitlugo tohaktitiyomayot huiikutanik Angayokapta Robert (Bobby) Greenley. Bobby huiiktok ublanuami Tallikmiutmi September 5, 2025-mi, Ikaluktutiami, kangagalungoktok anniaktotokaogami aghukhunuk annuaghokhuni innuhiktok.

Bobby, nigoaktaohimayok KIA-kut Angahokangata innianot December 2022-mi, havakhimayok kivgaktiovluni tatvani KIA-kut havakviatni kihiani anniakpalaligami taimalakhimayok havagiyaminik March 2025-mi.

“Uma Bobby hivuliktioninga tatvalu havakhunilu aghokpiaktok takkunaktok kivgaktiovluni Inukatiminik Kitikmeotaknik naunaitpiaktok havagiangagami KIA-kuni nigoaktaogami Angayokangugami taimangitkaloakhuni havagioghimalakto anniakpalialigami,” ukkalaktok una KIA-kuni Angayokagulaktok James Eetoolook. “ Kapiahungitomik hakkugingnikakhuni unaminaitonik Bobby nallunangitok tautoktavut anniagaloakhuni takkukhauyok tahamna innuhia innutiavauyuninga. Ihagiyaoniatok innuhikut tatvalu havakatiminiit.”

Nigoaktaohimagami KIA-kut Angahokangata innianut Bobby kivgaktiohimayok Kitikmeokatiminik, kinguani Ighivaotaohimangmiyok tatvani Ekaluktutiak Anguniaktit Katimayitni. Bobby havaktotokaohimayoktaok tatvani DEW Line-ni tatvalu Nunavut Kavamatkuni havakviatni Nunaliit Hannayitni.

Tahapkua takkuyat hilatani KIA-kut Atanikakviatni Ikaluktutiami kattakhimayot naunaipkutaovlutik huiikutanik uma Bobby tatvalu pitiaktaovluni ihomagiyaotiaktok havakpaohianik tatvalu innutiakninganik.

“Ukkua KIA-kut unnikhioktot ihomagiyaovut kingaotikut uma Bobby nullianga, nutagait ingutaitlu tamaitalo tahapkua Greenley-kut Evalik-kutlo illaguhit,” ukkalaktok Eetoolook.

